



**Francisci Monacelli Eugubini J. U. D. Protonotarii
Apostolici, olim Ecclesiæ Venusinæ, ac deinde Æsinatis
Vicarii Generalis, &c. Formularium Legale Practicum Fori
Ecclesiastici**

In Quo Formulæ Expeditionum usufrequentium de his, quæ pertinent ad Officium Judicis nobile, continentur ; Opus Episcopis, Vicariis Generalibus,

Aliisque Iurisdictionem quasi Episcopalem exercentibus: necnon Confessariis, Parochis, Cancellariis, cæterisque in dicto Foro versantibus,
apprimè utile ...

In qua præter formulas Declaratoriarum Censurarum, ponuntur aliæ formulæ, tum Citationum, ac Monitionum pro validitate processuum requisitarum, tum Decretorum, aliorumve actuum ad opportunitatem, & ornatum materiæ incidentium; acceditque in calce Appendix miscellanea, plura, ad Gubernium ...

Monacellus, Franciscus

Venetiis, 1709

De suspensione contenta in Constit. Greg. XV. Inscrutabili.

[urn:nbn:de:hbz:466:1-62433](https://nbn-resolving.de/urn:nbn:de:hbz:466:1-62433)

Item non habet locum in electione Abbatissæ, quæ fit per institutionem, præsentationem, sive nominationem, quia, qui ex privilegio, aut ex lege fundationis Monasterii, hanc facultatem habet, poterit eam perpetuò, vel ad tempus longius præsentare, etiam in Italia, Barb. de jur. Eccles. lib. 1. c. 46. n. 37. Donat. prax. ver. reg. tom. 4. tr. 7. q. 23. nu. Card. de Luc. *suprà Concil. dis. 37. n. 20.*

Neque locum obtinet extra Italiam, nec minus in Conservatoriis, & Domibus piis virginum, & Mulierum collegialiter viventium, in quibus clausura non servatur, ut respondit Navar. cons. 7. de stat. monac. per tot. ubi loquitur de Ven. Domo Oblatarum Turris speculorum Urbis.

Verumtamen, licet sententia Navarri, inspecto Constitutionis tenore vera sit, ex quo in ea strictè de Monialibus S. Benedicti, Cisterciensium, Carthusiensium, & aliorum ordinum, sermo sit: tamen cum in c. *Indemnitatis* §. *Supradicta de elect.* in 6. dicatur, quod quæ statuta sunt ibi circa electionem Abbatissæ, & Priorissæ Monialium, servari debeant etiam in Domibus & Collegiis Mulierum, & oblatarum in quibus vota solemnia religiosis non emittuntur, ut ibi -- *supradicta si quidem, nedum in Monasteriis, in quibus sunt Moniales viventes sub aliqua ex religionibus approbatis: sed etiam in illis ubi sunt juxta quarundam Provinciarum consuetudinem Mulieres, que nec propriis renunciant, nec professionem faciunt regularem, sed vivunt ut in secularibus Ecclesiis Canonici secularares volumus per omnia observari: certum videtur quod nisi statutum fundationis obstat, vigore dispositionis juris d. Constitutio ad Congregationes Mulierum Oblatarum, sive Tertiariarum sit extendenda, & in earum electionibus observanda, prout jam declaravit S. Congr. Episc. ut testantur Pasqualig. loco supracitato n. 671. Nicol. in flosc. verb. Conservatorium nu. 3. & pro indubitate de jure tenet Passerini. de elect. cap. 40. n. 30. At in his poterit Ordinarius dispensare, ut Superiorissa valeat confirmari, & reelegi ad aliud triennium, Nicol. loco citato.*

De suspensiōne contenta in Conslit. Greg. XV. Inscrutabili. Bullar. tom. 4.

S U S P . VI.

S U M M A R I U M .

- 1 *Electio Abbatissæ in Monasteriis Regularibus subjectis, si fiat finē præsidentia Episcopi, an, & quandō sit valida, vel invalida, ostenditur. & n. 2. & 3.*
Superiores Regulares, qui ad electiōnem Abbatissæ processerunt, non expedito Episcopo, possunt puniri, ibi.
- 4 *Datur formula declarationis animi Episcopi, super præsidentia electiōnis Abbatissarum exemptarum.*
- 5 *Constitutio Synodalis in rebus speciali- ter Ordinario commissis, ligat etiam Regulares.*
- 6 *Electio Abbatissæ per vota non secreta, nulla est, quamvis hoc contingat ex ignorantia, & adducitur pro limita- tione doctrina Sperelli.*
- 7 *Electio Abbatissæ nulla est, quandō electa non habet requisita Concilii vel est corrupta, illegitimè nata, excommunicata, suspensa, aut interdicta, quamvis tolerata.*
- 8 *Electio facta per scrutinium auricula- re, dicitur Secreta.*
- 9 *Electio facta coram simplicibus testi- bus, & non coram scrutatoribus est nulla.*
- Scrutatores obligantur ad secretum. ibi.
- 10 *Electio Abbatissæ in Monasteriis Regularibus subjectis, prorogari, fieri, & confirmari non debet finē conser- fu Episcopi.*
Abbatissa canonice electa, si officium sibi impositum acceptare recusat, pos- test censuris cogi ad acceptandum ibid.

ADNOTATIONES.

HÆC Constitutio fuit à me data per extensum cum declarationi-

bus

bus nonnullorum dubiorum defuper emanatis, par. 1. in Appendic. pag. 305. Praeter autem ibi notata ea oritur, quod postquam Episcopus declaraverit velle uti protestate hic sibi tributa; Regulares non possint in Monasteriis Monialium ipsis subjectis Abbatissas, seu Præfectas eligeret, nisi in prius ipse, de tempore electionis fuerit monitus, ideoque si Abbatissa eligeretur absque præsentia, & assistentia Episcopi, sive ejus delegati, tamquam nulliter, electa remaneret, suspensa, si credimus Nicolio in flore. verb. Abbatissa n. 4. quem bona fide sequitur Lantusc. theatr. regular. cod. verb. nu. 8. & eos non reprobat Pignatell. consult. 120. n. 4. tom. 8.

2 At si veritatem inquirimus, debemus dicere, quod electio Abbatissæ in Monasteriis Regularibus subjectis taliter facta, sit quidem valida, sed possit ab Episcopo sperto, nulla (si velit) declarari, ut melius observat Passerin. de elect. cap. 40. nu. 20. Superiores autem, qui Episcopo non monito, aut tempore determinato non expectato, ad electionem processerunt, possunt puniri, ut declaravit S. Congreg. Concilii, in Bullar. tom. 4. part. 102. & hoc dicit Decretum, quod male pro se allegat Nicolius, ut videri potest in meo citato codice in Appendic. pag. 308. & hoc quoque firmant Barb. de jur. Eccles. lib. 1. cap. 45. num. 34. Gavant. in manual. verb. Monialium officiales num. 13. Donat. prax. tom. 4. tract. 7. quest. 10. nu. 3. & alii ab eis allegati Cæterum in hac Bulla nullum adest verbum, seu clausula, ex quo, seu qua valeat inferri ad nullitatem electionis Abbatissæ factæ sine præsidentia Episcopi, sed solum datur ei potestas facultativa per se vel per alium præsidendi, si velit. & idem requiratur animi declaratio, quæ modo sequenti vel simili concipi poterit.

Animi declaratio in Synodo facienda.

Volentes nos uti facultate nobis in hac parte attributa à Constit. San. me. Gregor. XV. Inscrutabili, interessendi, & præsidendi electionibus Abbatissarum, Priorissarum, Præfectorum, vel Præpositorum Monasteriorum Mo-

nialium, jurisdictioni Superiorum Regularium subjectarum: hac nostra Constitutione declaramus velle per nos ipsos, vel per alium à nobis delegandum interesse, & præsidere quoties casus eligendi evenerit, electioni Abbatissarum, & Superiorissarum Monasteriorum Monialium, gubernio Regularium exemptorum subjectarum hujus nostræ Diœcesis, idcirco monemus, & interpellamus Superiores Regulares omnes pro tempore, nè ad electionem dd. Abbatissarum, & Superiorissarum quocunque nomine appellantur, devinant, nisi prius nobis, & successoribus nostris de electionis significato, sub penitus censurarum, & aliis arbitrio.

Hæc animi declaratio, si fiat in Syndodo) quæ in re specialiter Ordinario commissa obligat, & ligat etiam Regulares, ut tradunt Ricc. in prax. par. 4. resol. 380. num. 5. Donat. prax. rer. regul. tom. 1. par. 2. tract. 13. quest. 25. nu. 6.) habet vim specialis monitionis: si verò in Synodo factam fuisse, non reperiatur, alio modo legitimo Superioribus Regularium notificanda erit.

Nulla autem esset Abbatissæ electio, tam in Monasteriis Regularibus subjectis, quam in aliis, si eligeretur per vota non secreta, quamvis hoc contingere ex ignorantia: in qua nullitate, nec Superiores, Regulares, nec Episcopus dispensat Barbos. de jur. Eccles. lib. 1. c. 165. nu. 6. Gavant. in manual. verb. Monialium Officiales in addit. num. 1. Passerin. de elect. cap. 40. num. 12. & alii quos cumulat Sperell. dec. 161. n. 1. & seq. per tot. qui tamen in sequenti dec. 162. post longam dissertationem nu. 67. per doctrinam Innoc. in cap. quod sicur 27. sub num. 8. in fin. de elect. concludit, quod electio nulla ob non servatas solemnitates jurispositivi ex eligentium, & electæ inscitia, teneat in foro conscientiae, adeò ut electa non teneatur ultroneè dimittere Prælaturam, & quod possint in officio annuente Superiori remanere, ubi nulla fraus, vel dolus intercessit, & nulla ad sit Monialium oppositio, nec contradictione, prout accedit in casu, super quo scripsit; quæ doctrina poterit in praxi tute sequi, dummodo in casu hoc contingibili,

R 2 li,

li, concurrant circumstantiae hic supra
mox expressae, & recensitae.

- 7 Nulla quoque eset electio Superioris, si fieret de Moniali non habente qualitates, & requisita Concilii Trid. vel eset illegitimè nata, vel corrupta (de quibus dicam infra) vel excommunicata, suspensa, aut interdicta, quanvis tolerata, nam he omnes sunt ineligibiles, ni Papa, aut Sac. Cong. dispenset, & nisi censura, absolutione tollatur, ut latè ostendit Passerin. *de elect. cap. 40. à n. 40. ad 78. Bonac. de excomm. disp. 2. quæst. 2. punct. 4. n.*

1. & 3.

- 8 Electio secreta dicitur non solum illa, quæ juxta Statuta Ordinum Monialium fit per schedulas; sed etiam illa, quæ fit per scrutinium auriculare, juxta Decretum Concilii Trid. *sess. 2. 5. cap. 7. de regul. ibi - is verò, qui electioni præest, clausa, Monasterii non ingrediatur, sed antè Cannellorum fenestram, vota singularum audiat, vel accipiat,* Hoc autem secretum auriculare scrutinium, non frangitur, quandò Episcopus, vel alias Superior, assunt, & adjungit sibi duos, vel tres Socios, qui Vota Monialium excipiunt, ut communiter DD. tradunt, quos tacito nomine refert, & sequitur Passerin. *de elect. d. cap. 40. n. 12. Sperell. d. dec. 161. n. 2. Card. de Luc. supra Concil. d. dec. 37. n. 10.*

- 9 Verum est tamen, quod hi, quos Superioris Monialium sibi asciscunt, adhibendi sunt non tanquam simplices testes; sed tanquam Scrutatores, qui obligentur, & teneantur ad secretum; qui enim Vota

audit non tanquam Scrutator, sed ut testis, potest illa manifestare, nec tenetur sigillo Scrutationis: & ideo scrutinium coram simplicibus testibus factum, tanquam non secretum nullum eset, nec posset à Superiori sanari, ut advertit Pasquier. *ad Lauret. de Franc. contr. par. 1. n. 687. Donat. in prax. tom. 4. tral. 7. quæst. 10. n. m. 5. ubi quod isti Scrutatores in electione Abbatissæ facienda à Prælato Regulari cum assistentia, & præsidentia Episcopi, sint necessarii, alioquin electio ipsa sit nulla.*

Quod si post duo scrutinia, electio Abbatissæ in Monasteriis Regularibus subiectis, non fortiuscatur, tunc Prælatus Regularis consulto Episcopo præsidente, terminum assignare debet Monialibus ad concordandum, quo elapsio si non concordaverint, ipse Superior, approbante tamen Episcopo, ad deputationem Abbatissæ sibi benevisse, poterit devenire. Dixi Episcopo approbante, quia ipse præsidet tanquam auctoritatem habens, & ejus munus est electionem dirigere per modum Superioris: adeo ut electio sine ejus consensu, prorogari, fieri, & confirmari non debeat, ut bene observat Passerin. *in sèpè citato cap. 40. nu. 17. & 18. At si canonice electa nollet officium sibi impositum acceptare: posset cogi etiam sub censoris ad acceptandum: nisi renuens assignaret rationabilem causam refutationis, Donat. prax. rer. regul. tom. 2. tral. 7. n. 2. quia Religiosi non habent velle, nec nolle nisi dependenter à Prælatis..*

De.